

ইউনিসেফ রিপোর্ট

১৩ কোটি শিশু
স্কুলে যাবার
সুযোগ পায় না

নিজস্ব বার্তা পরিবেশক : স্কুলে যাবার বয়স হওয়া সত্ত্বেও উন্নয়নশীল বিশ্বের ১৩ কোটি শিশু মৌলিক শিক্ষা বঞ্চিত অবস্থায় বেড়ে উঠছে। এদের মধ্যে ৭ কোটি ৩০ লাখই মেয়েশিশু। এছাড়া প্রায় ১শ' কোটি মানুষ, যার দুই-তৃতীয়াংশই নারী বই পড়তে ও নিজের নাম স্বাক্ষরে অক্ষমতা নিয়েই একুশ শতকে প্রবেশ করছে।

'বিশ্বের শিশুদের অবস্থা ১৯৯৯' শীর্ষক ইউনিসেফ প্রতিবেদনে এদের সম্পর্কে বলা হয়েছে: পৃথিবী মানব সম্ভাবনার এমন অপচয় আর বহনে সক্ষম নয়। গতকাল এ প্রতিবেদন বাংলাদেশসহ বিশ্বের বিভিন্ন দেশে একযোগে প্রকাশিত হয়েছে।

ইউনিসেফের নির্বাহী পরিচালক কার্ল

সুযোগ : পৃঃ ১১ কঃ ১

সুযোগ : পায় না

(১ম পৃষ্ঠার পর)

বেলামী প্রণীত প্রতিবেদনের ভূমিকায় জাতিসংঘ মহাসচিব কফি আনান নিরক্ষরতা ও অশিক্ষার এ পরিস্থিতিকে অধিকারের লংঘন এবং সম্ভাবনা ও উৎপাদনশীলতার এ ক্ষতি বিশ্ব আর সহ্য করতে পারে না বলে মন্তব্য করেছেন।

প্রতিবেদন প্রকাশ উপলক্ষে গতকাল বিকেলে ঢাকায় আইসিডিআরবি মিল-নায়তনে এক অনুষ্ঠানে ইউনিসেফের বাংলাদেশ প্রতিনিধি সাহিদা আজফার বলেন, বিশ্বজনীন মানবাধিকার ঘেঁসগার ৫০ বছর পূর্তির মাত্র ২ দিন আগে ইউনিসেফ প্রতিবেদন প্রকাশিত হলো। স্কুলে যাওয়া, শিক্ষা লাভ এবং শিক্ষিত ও মর্যাদাবান ব্যক্তি হিসেবে বিকশিত হবার সুযোগ পাবার চাইতে শিশুর জন্য বাড় আর কি অধিকার হতে পারে?

প্রতিবেদনে বলা হয়েছে, ২০১০ সাল নাগাদ সার্বজনীন প্রাথমিক শিক্ষার লক্ষ্য-মাত্রা অর্জনের জন্য প্রতিবছর ৭শ' কোটি ডলার অতিরিক্ত অর্থব্যয় প্রয়োজন। এর মধ্যে ১৯০ কোটি ডলার আফ্রিকার সাব-সাহারা অঞ্চল, দক্ষিণ এশিয়ার জন্য ১শ' ৬০ কোটি ডলার, মধ্যপ্রাচ্য ও উত্তর আফ্রিকার জন্য ১শ' ৬০ কোটি ডলার, পূর্ব এশিয়া ও প্রশান্ত মহাসাগরীয় অঞ্চলের জন্য ৭০ কোটি ডলার এবং ল্যাটিন আমেরিকা ও ক্যারিবীয় অঞ্চলের জন্য ১শ' ১০ কোটি ডলার বার্ষিক ব্যয় প্রয়োজন হবে। এ ব্যয় ইউরোপীয়দের এক বছরে আইসক্রিম খাবার ব্যয় ১১শ' কোটি ডলার এবং মার্কিনীদের প্রসাধনের জন্য বার্ষিক ব্যয়ের চাইতে কম।

বর্তমানে বিশ্বে শিক্ষার জন্য বার্ষিক ব্যয় ৮ হাজার কোটি ডলার।